

ICRC DI SABAH



Sesi Latihan untuk Jurulatih bagi sukarelawan PBSMM yang dianjurkan bersama oleh ICRC dan PBSMM.

Jawatankuasa Antarabangsa Palang Merah (ICRC) adalah sebuah organisasi yang bebas dan berkecuali. Sejak 2013, ICRC telah bekerjasama dengan Persatuan Bulan Sabit Merah Malaysia (PBSMM) di Sabah untuk menyediakan latihan bersama komuniti serta mempromosikan

undang-undang kemanusiaan dan prinsip-prinsip kemanusiaan. ICRC menyelaras dan bekerjasama dengan daerah PBSMM di seluruh Sabah serta ahli akademik, masyarakat madani, jabatan penjara dan pasukan keselamatan.

MEMPROMOSIKAN UNDANG-UNDANG KEMANUSIAAN ANTARABANGSA (UUKA) DENGAN ANGKATAN TENTERA DAN PASUKAN KESALAMATAN

Di Sabah, ICRC bekerjasama dengan pelbagai agensi termasuk Majlis Keselamatan Negara, Angkatan Tentera Malaysia (ATM), Polis Diraja Malaysia (PDRM) dan Kawasan Keselamatan Khas Pantai Timur Sabah (ESSCOM) untuk menyebarkan dan meningkatkan pemahaman mengenai peruntukan-peruntukan penting dalam UUKA serta amalan dan norma-norma kemanusiaan yang lain.

Dengan kerjasama dari pihak berkuasa, ICRC mengendalikan beberapa bengkel dan mempertingkatkan dialog bersama komandan dan anggota ATM, Agensi Penguatkuasaan Maritim Malaysia, Pegawai Kanan PDRM, Ketua Polis Daerah dan pegawai ESSCOM.



Polis dan pegawai ESSCOM menyertai bengkel yang dianjurkan untuk meningkatkan pemahaman tentang prinsip kemanusiaan sejagat dan penguatkuasaan undang-undang.

BEKERJASAMA DENGAN AKADEmia

ICRC juga bekerjasama dengan universiti di Sabah untuk menyebarkan pengetahuan mengenai UUKA dan prinsip-prinsip kemanusiaan. Pensyarah dan pelajar

universiti dijemput untuk mengambil bahagian dalam pelbagai acara tempatan dan serantau.

AKTIVITI BANTUAN KEPADA TAHANAN



Sumbangan kerusi roda dan pengusung kepada Pusat Tahanan Sementara (PTS) Menggatal.

Bekerjasama dengan pihak berkuasa dalam usaha mereka menangani keperluan, rawatan dan keadaan tempat tahanan bagi semua tahanan, ICRC melawat mereka yang dilucutkan kebebasan di penjara dan pusat tahanan imigresen di seluruh Malaysia termasuk Sabah. Lawatan-lawatan ini hanya tertumpu kepada keadaan tempat tahanan dan layanan kepada para tahanan termasuk dari segi teknikal seperti kesihatan, air dan persekitaran. Laporan dan cadangan dibincangkan secara bilateral dan sulit dengan pihak berkuasa penjara negeri dan Majlis Keselamatan Negara.

LATIHAN ASAS PERTOLONGAN CEMAS 'HARMONISASI' UNTUK KOMUNITI KAWASAN PEDALAMAN

ICRC bersama sukarelawan PBSMM telah menganjurkan sesi latihan asas pertolongan cemas ("harmonisasi") untuk penduduk kampung di kawasan pedalaman dengan membuat adaptasi berdasarkan keperluan dan ketersediaan sumber bahan. Tujuan sesi tersebut adalah untuk mengajar asas-asas pertolongan cemas kepada penduduk kampung yang mempunyai akses yang terhad kepada penjagaan kesihatan. Kemahiran tersebut membolehkan mereka memberi pertolongan cemas yang diperlukan sementara menunggu bantuan kesihatan tiba. ICRC dan PBSMM juga menyokong aktiviti Kem Kesihatan yang dijalankan oleh Pejabat Kesihatan Daerah.



Latihan asas pertolongan cemas untuk penduduk kampung dan kanak-kanak di kawasan pedalaman.

PROMOSI KESIHATAN DAN KEBERSIHAN UNTUK KANAK-KANAK SEKOLAH

ICRC dan PBSMM terus memberikan sesi kesedaran kesihatan dan kebersihan kepada kanak-kanak dan guru sekolah rendah di kawasan terpencil di seluruh Sabah.

Matlamat sesi ini adalah untuk mencegah penyakit berjangkit melalui pemahaman tentang kebersihan dalam kehidupan seharian.

PERSATUAN BULAN SABIT MERAH MALAYSIA (PBSMM), NEGERI SABAH



Seorang pelajar menunjukkan teknik mencuci tangan yang baru dipelajarinya dari sesi promosi kesihatan dan kebersihan yang dianjurkan oleh sukarelawan PBSMM dengan sokongan ICRC.

PBSMM mula bertapak di Sabah sejak 1948 lagi apabila Palang Merah British membuka Cawangan Borneo Utara di negeri ini. Kini, PBSMM wujud di setiap pelusuk negeri. Ia mengambil bahagian dalam aktiviti kebajikan dan aktiviti respon bencana, dengan memberikan bantuan asas kepada komuniti yang rentan.

Bekerjasama dengan pihak berkuasa, para sukarelawan daripada 22 daerah dan satu cabang PBSMM telah memberikan pertolongan cemas, perkhidmatan masak berkelompok, penginapan sementara, selimut dan pakaian ketika banjir dan kebakaran. PBSMM Sabah juga menjalankan program komuniti dan kesihatan yang merangkumi pertolongan cemas, perkhidmatan ambulans, kempen derma darah dan pembangunan belia.

Jawatankuasa Antarabangsa Palang Merah (ICRC)
Unit 50-11-1, Level 11, Wisma UOA Damansara,
No. 50, Jalan Dungun, Damansara Heights,
50490 Kuala Lumpur, Malaysia
T: +603 2084 1800 F: +603 2084 1999
E kualalumpur@icrc.org W www.icrc.org
Foto muka depan: ICRC
© ICRC, Januari 2019

 twitter.com/icrc_my

ICRC Kota Kinabalu
c/o Persatuan Bulan Sabit Merah Malaysia, Negeri Sabah
Lot No.2, Jalan Matahari 2
Kompleks Badan-badan Sukarela
KM4, Jalan Tuaran
88802 Kota Kinabalu, Sabah
Tel/Fax: +6088 254463



ICRC